

職場起底組

- 撰文 > 打工達人
- 攝影 > 黃家活
- 美術 > 姚美蘭
- 插圖 > 馬加樂

PROFILE

打工達人 白羊座，性格外向，天生八卦愛吹水，相識滿天下，且極做盡72行，成日搵得搵唔搵吓有乜好工好搵，別過各行各業都搵。



最快7個月

做

潛水教練

近年潛水運動愈嚟愈受歡迎，每年一踏入4月，各種潛水課程應聲出籠。潛水唔只受香港中產一族歡迎，連國內同胞都熱捧，對教練嘅需求大增。潛水成為商機，有唔少人想入行做教練，由基礎課程讀起到考獲教練資格，最快只需7個月，對潛水有興趣兼想多一技傍身嘅人士，要快啲報course啦。

【睇日】 水歷險會課程總監區紹堅話，坊間嘅入門課程收費大約係2、3千，「修讀潛水課程嘅人之中，約有1、2成人會持續進修埋教練牌，由入門課程到成為教練，因為要儲夠經驗同埋潛水鐘數（100小時），平均需時約2年，最快約7個月可考到教練牌，費用大約10萬。」

雖然香港未有監管，由於PADI潛水教練牌照係國際認可，同時亦通過國內相關機構嘅檢定，基本上有牌嘅，可以到任何潛水學校掛單合作，設備由學校提供，雙方拆賬支薪；教練亦可自己租場同設備去招收學員。

堅sir指出旺淡季開班嘅數目相差好大，「冬天嘅班數，大約係夏天嘅2成，所以呢行全職教練唔算太多，大多數係以freelance形式教班，並以拆賬形式出糧。教練每次教班嘅人工，一般係課程收入嘅30%，假如個班有10個人，每人學費3千，教練就可以拆到大約1萬。」

潛水課程介紹：

課程	證書	學費	入讀資格	內容	發時	查詢電話
開放水域潛水員課程	潛水歷險會	\$3,300	10歲以上懂泳術者	基本理論、泳池或平靜水域訓練、海上實習	理論講解5堂，共8小時；泳池或平靜水域訓練6至8小時；海上實習2天	2572 2138
開放水域潛水員課程	潛水快線	\$3,250	10歲以上懂泳術者	基本理論、泳池或平靜水域訓練、海上實習	理論3堂，共8-10小時；靜水訓練6小時；開放水域實習2天	2724 1322
開放水域潛水員課程	蛙人館	\$3,150	12歲以上懂泳術者	基本理論、平靜水域訓練、海上實習	理論3堂，共7.5小時；靜水訓練10至12小時；開放水域實習2天	3173 2665



課程總監堅sir

我本身係國內搞生意，舊年8月開始學潛水，上完個course之後，覺得做教練有商機，尤其係國內，於是一口氣報埋其他進修課程，前後用咗11萬，喺7個月入面考到教練牌，啱家喺香港同國內先後收咗十幾個學生。



學員Tony 30歲

啱家做潛水教練，前景唔錯，本地客人愈嚟愈多，主要係中產家庭父母，自己有興趣，就帶埋小朋友一齊嚟玩；國內客人對教練嘅需求亦不斷增加，唔少國內人仲會專登嚟包團上堂，國內客大約佔我哋整體學生1成左右，有部分客人，更會請教練返國內開班教授！

業績好

公司請你去旅行

【美】 容業不論任何時候都咁需要人手，好似Neo Derm Group人才管理總監周綺華（Eva）同我打工達人講：「嚟緊我哋計劃擴展業務，所以需要請多啲人幫手，包括美容顧問同埋主管等職位。」合資格嘅男女都可以應徵，成功獲聘會有在職培訓，內容包括產品知識、待客技巧等。

Eva仲畀咗啲貼士應徵者，「面試時最緊要有笑容，化個淡妝、衣着整齊之餘，都要注重指甲同飾物呢啲細節，鍾意扮靚入行當然會着數啲。我哋希望員工肯學唔怕辛苦，講到自己嘅興趣，嚟行內嘅發展方向，就會有分加，獲聘機會會大啲。」

機構： Neo Derm Group
職位： 中心主管、治療師、纖體治療師、激光治療師、美容顧問及店舖主管共約50個職位空缺。
地點： 旺角亞皆老街8號朗豪坊辦公大樓48樓
日期： 5月13日 2:30pm至5:30pm
要求： 18歲以上，中五程度或以上，具相關經驗者優先。
薪金： \$9,000至\$30,000（連佣金）
其他申請途徑： 星期一至五9am至6pm，致電2976 8756 / 2976 8865 / 2976 8797 預約時間面試。



員工：Joyee
職位：店舖主管 年資：3年

我一個月有6日假，而且公司預埋時間畀我哋埋數，所以日日都好準時收工。內部有位，會優先考慮員工晉升，升職機會都多啲，今年業績理想，喺年頭公司請哋哋同事去日本同泰國玩作為獎勵，份工真係好正嘍！



周綺華 人才管理總監

我哋公司好重視員工，所以福利都好，除咗一般嘅勤工獎、有薪假、醫療及員工購物折扣優惠外，每個月有遲到早退請病假，就可以做一次免費treatment，自己揀做乜都得，價錢開開哋都幾千蚊。



各名店打工唔畀食橙

【各】 各行各業都有自己嘅行規，可謂千奇百趣，好似我打工達人嘅朋友Stephy喺中環一間名店度做改衣員，平時有好多闊太買咗衫要改，Stephy就會即場修改。雖然公司容許員工帶飯返鋪頭食，但規定員工一定唔可以食橙，「呢條例有明文規定，但入職前，阿頭會同我哋講，可以喺休息室度食飯，但一定唔可以食橙。」

原因好簡單，因為啲橙味太勁，你搵完橙或者掂過啲橙會留佢好大陣味，即使洗晒手，啲橙味仲留喺手度，「怕啲sales同我哋搵到啲衫，留咗啲橙味喺衫度，啲客詐型就大鑊。」啲衫件件都萬萬聲，改完衫啲客唔肯買又真係幾大鑊。其實唔食橙，可以飲橙汁啫，一樣可以吸收維他命C，幫助消化！